

Clausura di programa vacacional 2008 di Biblioteca Nacional Aruba

STA. CRUZ -- Dia 2 di Augustus 2008 ultimo, a tuma lugar clausura di e programa vacacional di Biblioteca Nacional Aruba na Parke Curazon Jaburibari. E programa a hiba como tema "Compa Nanzi", cual a dura cuatro siman y tabata pa muchanan di 4 te cu 12 aña. Biblioteca a haya cooperacion di e escritor/contadonan di cuenta di Aruba, sra. Olga Buckley, sra. Desiree Correa y sra. Munye Winklaar. Tur mucha cu a participa na Biblioteca na O'stad como na San Nicolas a bin goza di e atardi aki hunto cu payaso Keke, kende a entretene e muchanan haciendo diferente wega

y tambe magia. Tambe tabata tin presentacion di e grupo di baile "Chastity Youth Dancers" bao di direccion di sra. Chastity Hodge. Y na final tur mucha presente por a disfruta di un dushi treat di Burger King. Biblioteca Nacional Aruba ta gradici Burger King, Balashi, Compra, sr. Dochi Lee di Ministerio di Cultura, personal di Parke Curazon y sra. Chastity Hogde pa nan contribucion y cooperacion pa asina e atardi aki por a bira un exito. Un danki un biaha mas tur e colaboradonan cu a percura pa e atardinan di e programa vacacional, e mayornan y sigur na e personal di Biblioteca Nacional Aruba.

